

**Weichbild magdeburski w układzie śląsko-małopolskim.**

**Wersja sandomierska**

Rękopis Archiwum Państwowego w Przemyślu, Akta Miasta Przemyśla, sygn. 428,  
s. 28

Odczyt: Maciej Mikuła

Artykuł 14

*[14] De iure feminarum et dotalicio et suppellectili. C[apitulum] XVIII*

Si aliquis ducit uxorem et si vir de hac luce decesserit, uxor nichil habet in suis bonis, nisi quod sibi dederit pro dotalicio aut vite provisionem pro sua vita in iudicio banito. Nulla mulier potest vite provisionem, nec dotalicium hereditarie observare. Et cum de hac luce decedit, ad heredes revertitur sui mariti. Et si maritus nichil mulieri dederit in suis bonis, in possessione sui mariti debet permanere, et pueri sibi necessaria ministrabunt, quousque in viduitate sine marito permanere voluerit. Si vir oves habuerit, quas mulier recipiet ad suppellectile. Et si pueri vellent infringere dotalitium, servare potest testimonio virorum ac mulierum metseptima, qui tunc presentes fuerunt. Si vir pueros habuerit, aut mulier, quicumque ex his exhereditati fuerint, si vir moritur hii pueri qui in hereditate sunt patris recipiunt bona et non hii qui exhereditati sunt, sed hereditatem vendere non possunt absque coheredum consensu. Hii pueri qui in potestate patris tempore mortis fuerunt, si ex his unus moritur, istius partem dividunt inter se equaliter, tam exhereditati, quam domestici.

[hasła: żona, mąż, wdowa, wiano, sąd wyłożony, uposażenie, gerada, dziecko, współprzysiężnik, samosiódm, przysięga, wydzielony, dziedzictwo, spadek]